

	21267		<i>chłopcy</i>
	III	Mag. St. Dr.	

Przybyłowski Cas. Stanisł. Corymbion philosophici honoris.

PANEG. et VITAE
Polon. Fol.
Nr. 1130.

761.

67
CORYMBION
PHILOSOPHICI HONORIS,

ad nova purpurascantis Veris Hilaria,
ex amœnissimis Nominis, ac Virtutum floribus,
EXCELLEN. AC ERUDITI VIRI,

D. GVILHELMI ANDREÆ
ROBERTSON CRACOV:

Magisterij in Artibus & in Philosophia Doctoratûs
LICENTIATI,

D U M

In Alma Vniversitate Cracoviensi,

P E R

Clarissimum, & Admodum Reverendum Dominum,

D. M. MARTINUM
BIELECKI,

PHILOSOPHIÆ DOCTOREM, COLLEGAM
MAJOREM, REGIUM, & TYLICIANUM ELOQVENTIÆ PROFESSO-
REM, ECCLESiarUM COLLEGIATARUM, CRACOV: S. ANNÆ.
SS. OMNIUM, & TARNOVIEN: CANONICUM,

in Peraugusto DD Theologorum Lectorio,

Præsente Magnorum Hospitum, & Senatûs Academici Corona,
RITU SOLENNI,

Artium Magister, & Philosophiæ Doctor,
CREARETUR,

CONTEXTUM;

& à

M. CASIMIRO STANISLAO PRZYBYŁOWSKI,
PHILOSOPHIÆ DOCTORE, ET PROFESSORE,

in vim gratulatorij Plausûs,

vivis Anagrammatum, Epigrammatumq; Coloribus

ADUMBRATUM,

Anno, quo?

Metro DeCernes ex hoc enixe Poëta.

Pridie Cal. Maij.

In Gentilitium Insigne,
Perillustris, & Reverendissimi Domini.



Armāt spina Rosas, vt sic tutāmen ab omni
Exhibeat noxa præsidiumq; ferat.
At ROSA TARNOVIJ Sacras dum vernat ad Aras,
In medio Ferri, nulla periēla timet.
Hæc igitur Divūm sacratas ornet & armet
Ædes æternūm, quod mea Musa vovet.



PERILLVSTRI.
ET REVERENDISSIMO DOMINO,
D. STEPHANO
a TARNOW
TARNOWSKI,

ECCLESIAE CATHEDRALIS CRACOVIENSIS CANONICO,
IN RUDAWA CURATO, &c. &c.

Domino, & Patrono Amplissimo.



Non ex Elisijs Campis, verum ex amenissima D. Iage-
lonis Hesperia, vernans Virtutum, ac Eruditionis Co-
rymbion, Principi Florum ROSÆ Tuae in obsequij
vestigal fero. PERILLVSTRIS & REVERENDISSE
DOMINE. Quippe nova purpurascens Veris Hilaria, fascēsq;
& coronamenta doctarum frontium, cui magis dicari debent, quàm
Tuo basilico Flori, in quem non tantum prisci ROSINORUM Al-
cinoi omne congesere decus, verum etiam Archiprasuleus D.
ADALBERTI, Murex, ex suo Virtutum & Protectionis Co-
gnato Roseto, raras contulit gratias. Volupe erat spectare Sarma-
tico Phœbo etiam Arctōo sub Climate perpetuum Ver, quod Ca-
lorum Inquilina TARNOVIORUM ROSA, in Polonia Campis, entheo
Heroica Virtutis calore, & vigore animata exhibuit. Quot in Cu-
rulibus, vel curribus triumphalibus prudentissimos Senatores, in ar-
duis Bellona negotijs, hostium Victores spectavit Lechicus Orbis, tot
Roseos Scipiadas, non hac pagina, sed vastissimi etiam fasti non ca-
perent. Quot enim Marones exposcerent, SEBASTIANVS TAR-
NOWSKI Castellanus Siradiensis, SIGISMVNDI III. alter Ephe-
sio: STANISLAVS Vladislaviensis, PETRVS Gostinensis, Castel-
lani, Senatūs Poloni Oracula, Aurei Consiliorum Tripodes? Quis di-
gnis laudum elogijs celebravit HIERONYMV M & MARTINVM Pocilla-
tores Lancicienses, Togā, sagog, meritissimos? Cuius Homeri non fa-
tigarent genium, ingentia merita alterius PETRI TARNOWSKI Ca-
stellani Sochacoviensis qui Summis in Regno in-visceratus Prosapijs,
pius in Patriam Aeneas, in suo Ascanio IOANNE Succamerario So-
chacoviensi Latium Sarmaticum inclytā Prole ampliauit & serva-
vit. Immarcescibilis profectō TARNOVIANÆ ROSÆ decor etiam Di-
vorum ad Aras, Christi bonum odorem abundē sparsit in IOANNE

Archidiacono Cracoviensi, HIERONYMI Pocillatoris Lancicien-
 sis Filio. Sed ut termino Gratiarum impleteretur in hoc angustiari Flo-
 re, addidit Divina Providentia Decus & Coronam in gemino IO-
 ANNE, quorum primus Propositus Cracoviensis, Sandomiriensis,
 Vladislaviensis, Lanciciensis, Crusviciensis Canonicus, mox Refe-
 rendarius, tandem Procancellarius Regni, & Episcopus Cuiaviensis,
 cō fastigij processit, ut Archiepiscopus Gnesnensis, Primas, Primusq;
 Princeps, non promotione modo, sed Virtute etiam utpote Canon &
 Regula omnigena probitatis extiterit: alter in Archiepiscopali ROXI-
 ACI Leonis specula Tiaratus Argus pro integritate Orthodoxæ Fidei
 vigilaverit. Adiunxit TARNOVIANIS Gratias Calitum favor quar-
 tam, eamq; Cognatam Gratiam in Celsissimo Principe Illustrissimo &
 Reverendissimo D. IOANNE de MALACHOWICE, MALA-
 CHOWSKI Episcopo Cracoviensi, Duce Severia: auxit Decus
 & praesidium in Gentilitijs ROSIS. Illustrissimi & Reverendissimi D.
 STANISLAI à Stupow SZEMBEK, Episcopi Dionysiensis, Suffraga-
 nei Cracoviensis, Claræ Tumba Abbatis: ut Tu Perillustris & Re-
 verendissime Domine, non tantum ex Nominis etymo, sed etiam ex
 Virtute tot Antistitem Coronamentum haberes, & Honorum au-
 ctoramentum in Coronato Vaveli vertice possideres; pro quo in Se-
 pticollæ Urbe, Coronarum dispensatrice, non unius Theopompi Victor,
 præcellenti ingenij vigore, strenue decertasti. Quare Philosophicum
 hoc CORYMBION, à Pallade Iagelonica Neo-Doctori paratum (quem
 in Augusta Sapientia Romana, singulari favore cumulaveras) Tibi
 Perillustris & Reverendissime Domine, dicare conveniens erat ut à
 Tua GENTILITIA ROSA, majus illi accresceret Ornamentum & pa-
 trocinium. Quod eā mentis amœnitate receptum iri spero, quam
 ipse Neo-Doctor exotico sub sole à Te expertus est. Cum quo vo-
 lens ROSÆ Tuæ innumeras ætates, summorumq; in Ecclesia DEI
 Honorum incrementa, maneo.

Perillustris, & Rndissimæ Dñationis Tuæ,

Servus Humillimus,

M. CASIMIRVS PRZYBYŁOWSKI,
 P. D. & P.

ORBIS SARMATICI
PATRI PATRATO,
RERUM NOSTRARUM STATORI,
Jagelonicae Universitatis,
PATRIARCHÆ & PATRONO,
B. JOANNI CANTIO,

Sacrae Theologiae Doctori & Professori,
votivi cultus hecatombe,
ex Sacro Nominis ipsius
Programmate:

BEATUS IOANNES
CANTIVS.

Anagramma I.

Tu nos unicâ basi teneas.

EPIGRAMMA.



Ymnasij Regni Protector, Primeq; Princeps,
Sit votô nostro prima Corona tibi.
Vnus erat Domini Præcursor, Nominis huius,
Tu Nobis alter, Dux Coryphæus ades.
Tu solus rerum nostrarum Stator, & Author;
Per cuius Nomen, laurea ferta virent.
Ergo *basi teneas* nos cunctos *unicâ*, & Almæ
Sis columnen Matri, nomine fulcra sonans.

Anagramma II.

Sic tu annue SEBASTIANO.

EPIGRAMMA.

Scutum Pompylio, Pallas demisit ab alto,
Eius Palladij, quod vigil Argus erat.
Tuq; SEBASTIANO sic RECTORI *annue* nostro,
Possit ut in cælum scuta referre sua.
Magnificam ille Tibi prudenter construit Aram,
Sublimesq; tholos marmore ritè locat.
Ergo diu felix Academica Sceptra gubernet,
Promoveat Cultum, Dive Patrone Tuum.

CORY-

CORYMBION

Philosophici Honoris.

Programma Acrostichicum.

Gloria Moconidum, Phæbi dilecta Propago,
Vatum dulce decus, Parnassi Præses Apollo,
Ingeminans plausus hodie, quo fine peropto
Laurea ferta paras? quis victor fortis ad Urbem
Hostibus expulsis redit? an per Olympia currens,
Excessit præcox alios, meruitq; Coronam
Lauri contextam? cûi nunc acroamata fundit
Musarum perameena cohors? Iagelonis in Aula
Unde velim hæc Echo patulas crebescit ad aures?
Sciscitor? implorans mihi tanta Oracula pande.
Attentus capio Cyrrham secreta moventem:
Non Fabij, fortes Torquati, totq; triumphis
Ordanidæ celebres, ast post certamina victor,
BERTSON GVILHELMVS adest, à Gente Togata
Excipiens laurum viridem, quæ tempora cingit
Aonijs sociata choris, Phæboq; Sereno
Sacra manet. quare merito illam Nobile germen
BERTSONVM ambit: generosâ mente coruscans
Remne tulit punctum rigidi certaminis, Heros
Ella gerens animo, gratos referente Corymbos.
Tum dum perspicuè pateat mens præscia Vatis,
Umpo moras subito, promptus pennâq; silenti,
E Neo-Doctorem venerari curro libenter.
Ed vix præmeditor laudum profundere guttas,
Bruor Euripo, virtutum mersus in vndis.
Ominis ergo Tui solummodo diphtera restat,
Omplectens seriem dotum (quas Cracia Pallas,
Omana atq; Tibi tribuit Sapiencia) sensu
Rcano, cuius nunc flore Corymbion istud
Olligitur, fructumq; noui demonstrat Honoris
Mnibus. Hoc in vim puri Candoris, ameno
Ultu suscipias, purumq; Anagramma revolve.

IN STEMMA, E. D. NEO-DOCTORIS.



Anagramma I.

Bellator Urfus, merè hac dignus Coronâ.

EPIGRAMMA.



Agnanimo natura dedit diadema leoni,

Quòd sit Marte ferox, vngueq; bella movens.

Et Tuus insignis bellator, fortior Urfus,

Quando triceps, semper stat cuiuscunq; minax.

Vnde merè dignus Stellis est, hacq; Corona,

Quæ nunc circumdat tempora docta Tua.

Anagramma II.

Solus certando, hanc laurum Orbi geres.

EPIGRAMMA.

Certanti dabitur merces, honor, atq; Corona,

Et laurus quemvis parta labore manet.

Tu solus genij certando marte, merenis

Hanc laurum, doctâ quam modò fronte geres.

Hinc toti resonans, per longos Nestoris Annos,

Orbi Nomen erit, fama; grata Tui.

Anagramma III.

Heros, sub gemina lauru, Doctor clarens.

EPIGRAMMA.

Candidius nostris animis nil suadet Apollo

Dicere nunc, Heros, quam Neo-Doctor ave.

Doctor ave, Nostro clarens Helicone refulge

Sub gemina lauru, lata trophœa cane.

Indolis egregiæ dotes, Tibi cælitus auctæ,

Quidni succedant optima quæq; Tibi?

Anagramma IV.

Solo ungue laboris Cathedram currens.

EPIGRAMMA.

Tormenti cuiquam Theritæ non datur Ostrum,
Absq; labore potest scandere nemo thronum.
Tu quoq; non aliter, *Cathedram currens*, nisi *Solo*
Ungue laboris, adis Culmina celsa Sôphum.
Ipse Tibi Stoæ PRINCEPS applaudit amœnè,
Quando sub Auspicijs dat Tibi ferta suis.

Anagramma V.

O labor, lucis mentis, candor, Augur, heres!

EPIGRAMMA.

Ne quis Cymmerijs, dotes obnubilet umbris,
Sit nunquam curis, atq; labore vacans.
Nam *labor*, est animi *candor*, *mentisq;* serena
Lux, quævis genij nubila sæva fugans,
O quam perpetuò residens, hic est tuus *heres!*
Docte Vir; hicq; Tibi lauriger *Augur* erit.

Anagramma VI.

Ecce Argus honorandus, illustra Orbem.

EPIGRAMMA.

Iactat Aristoridem vigilantem prisca Vetustas,
Sed iactabundo fallitur ore suo.
Ecce subis cunctorum oculis oculatior *Argus*,
Semper *honorandus*, nocte dieq; vigil.
Ergo virtutum claris splendoribus, *Orbem*
Illustra, Musis luxq; decusq; mane.

Anagramma VII.

Curre bone, choris alludens, Musa rogat.

EPIGRAMMA.

Testis Apollo Tui genij Novodvorscius olim,
Dum Philomusus eras, talia vota dicans:
O bone Pieridum cultor, nunc *curre* beatus,
Pro dignis meritis, præmia digna refer.
Alludensq; choris, Musarum scande Cathedram,
Te petit eius apex, nostraq; *Musa rogat.*

Ana-

Anagrammâ VIII.

Agis ut Solon, huc recurrens ad laborem.

EPIGRAMMA.

Otia ne quis amet, cautum est de lege Solonis,

Quæ gravibus pænis afficienda jubet.

Sic *agis utq; Solon, ad magnum retro laborem,*

Sponte *recurrens huc*, otia sæva fugis.

Continuis studijs incumbens, luce Cleanthis,

Procerto Lechicus Tu Theopompus eris.

Anagramma IX.

Heros nulli cedens, ab ortu rogas Arcum.

EPIGRAMMA.

Dexter es inventus GVILHELME *Heros Tuo ab Ortu,*

Non vi, sed genio, vincere multa valens.

Gordia vinêla Sôphum soluendo celeusmata psallis,

Et *nulli cedens*, victor ubiq; manes.

Vnde Tuis manibus, dant Musæ plectra sonora;

Siq; *rogas Arcum*, cedit Apollo Tibi.

Anagramma X.

Crescas Vir magnus, honor è bello datur.

EPIGRAMMA.

Bella parant multos Athletis sæpè triumphos,

E belloq; datur, non nisi celsus honor.

Palladis in Campo, certasti pectore dextro,

Dum non vnus obex, te superante stetit.

Ergo post bellum, felix, bis dicito Pæan!

Crescas Vir Magnus, semper honore precor.

Anagramma XI.

En doctrina, Herculeus Umbo, sors larga.

EPIGRAMMA.

Huc huc Herodës, oculos reflectite vestros,

En melior vobis, Marte triumphus erit.

Vincere non semper stricto mucrone velitis,

Nam *doctrina* præit, Martia scuta virum.

Hæc est *Herculeus* sapientibus Omnibus *Umbo*,

Larga Tibi sors est, qui magis arte vales.

Anagramma XII.

Rarus genio, Corda mulcens, ultrò habes.

EPIGRAMMA.

Quis referet calamo dotes, quantas geris in Te!

Qualia dona Tibi docta Minerva dedit!

Es *rarus genio* Iuvenis, qui *Corda* Potentum,

Mulcens eloquio, quæq; reposcis *habes*.

Iam Te non vnus, titulis decoraverat *ultrò*

Si velles, certò plura tenere potes.

Anagramma XIII.

Huc soror, linguâ ecsternâ, Orbem ludas.

EPIGRAMMA.

Quæ *soror* Aonidum, blandis resonaverit vnquam

Clariùs in Cytharis, ore loquente Tuo.

Aufonium felix quando lustraveris *Orbem*,

Huc linguâ externâ, suâvior inde venis.

Hoc idioma ferens gratum, Latiasvè loquelas,

Cœu fidibus *ludas*, vox Tua grata sonat.

Anagramma XIV.

Lusor nunc sub grato amore Lechi, ardes.

EPIGRAMMA.

Post tot felices Latij Regni vndiq; gressus,

In quibus Aonius *lusor*, & Augur eras.

Nunc tandem ad Patriam nostram rediens pede fausto,

Ardes sub grato semper amore Lechi;

Te vocat ad propriam DVX RADIVILLIVS Aulam.

Prosequitur meritis, atq; favore suo.

Anagramma XV.

Romæ Orator dignus, cur labens Lechus?

EPIGRAMMA.

Non tam gratisonis Musæ modulamina chordis,

Orpheus, Amphion, dramata blanda canunt.

Quàm blandè *Romæ* resonasti Præsule summo.

Orator Dignus, non sine laude Tua.

Curq; labens Lechus sit cæso Antistite, Craci

Vrbis; adornâsti svavia dicta resis.

Anagramma XVI.

Os Tullî habens, ad Coronam surge, Curre

EPIGRAMMA.

Vidit & Alma Parens, cum Summo Sceptra Regente,

Os quòd habens Tullî, dulcia verba sonas.

Quando perorasti in Sacratæ Aedibus ANNÆ,

Ad Christi tumulum, tristibus æthra secans.

Ergo Resurgente, *ad pretiosam surge Coronam,*

Curre, paratus adest Pegasus ipse tibi.

Anagramma XVII.

Hinc lugubre cor, laus adest, orna mores.

EPIGRAMMA.

Hinc procul excedat *lugubre cor,* & Niobæus

Exulet hinc mæror, *laus* Tua Doctor adest.

Orna igitur *mores,* gemino viridiq; Corymbo,

Prosper & ulterius perge favente Deo.

Omne Tibi plaudit constanter pectus amicum,

Altius ut scandas culmen honoris, ait.

Anagramma XVIII.

Annulus, mitra, codex, hos Rubro relega.

EPIGRAMMA.

Doctrinâ insigni polles, Insignia Docti;

Craciados Pallas, jure dat Alma Tibi.

Annulus en digito, manibus *codexq;* refulget,

Mitra Caput cingit, Teq; Cathedra capit.

Hos Tu sume libens, cordis *Rubroq;* relega,

Pro quibus, invigiles Palladis esse memor.

Anagramma XIX.

Sub luna decor, clarus honore Magister.

EPIGRAMMA.

Ambit Alexander Magnus Macedo, Orbis honores.

Cræsus divitias, Aurea ferèla Midas

Ipsæ suo *clarus* contentus *honore Magister,*

Sub lunaq; decor nullibi major ei.

Hoc felix hodie quando palmare prendis,

Est Tibi, quo cunctos hos superare queas.

Anagramma XX.

Sub omni re dura collega noster charus.

EPIGRAMMA.

Desinat Euryalos, Nisos, jactare vetustas;

Thesea, Pirythòes, gloria prisca suos.

Tu nobis etiam *charus Collega*, *sub omni*

Re dura, post hac *noster* amicus eris.

Vnde Tibi gratam reddit plausûs hecatomben,

Tota Magistrorum candida nostra Cohors.

Anagramma XXI.

Abrogo duras Herculi terens Columnas.

EPIGRAMMA.

Abrogo iam laudum titulos Alcmena Tuarum,

Quos soboles scripsit Gadibus vsq; Tua.

Nam splendoris habet plûs, Alma Academia Mater,

Dum tanto nato, gaudet amæna magis.

Qui par *Herculi* adest, *duras* ejusq; *Columnas*,

Arte terens, vltra plûs valet, atq; notat.

Anagramma XXII.

Dum vber, Heliconas exornas, gratulor.

EPIGRAMMA.

Dotibus hic *vber*, dum *Heliconas* alter Apollo,

Exornas Cracios gratulor hocce Tibi.

Te Iageloniades, sincero Corde salutant,

Tota Stagyrîtæ, dat sua vota, cohors.

Vt Magnus Doctor clarescas, atq; Magister,

Artibus ingenuis, ac probitate nitens.

Anagramma XXIII.

Ardor lusûs, Carmen hoc lege, sonat Urbi.

EPIGRAMMA.

Ad tantum plausum, veloces Currite Cuncti,

Quos favor, aut fidi calcar amoris, agit.

Dignum laude Virum, *Carmen* toti *sonat Urbi*.

Hoc lege, quem *lusûs ardor*, amorq; trahit.

Ipsius probitas, à Cunctis plura meretur,

Laudibus ergo suis quilibet coronet eum.

Anagramma XXIV.

Chorus nomen recolat, Urbs Regis lauda.

EPIGRAMMA.

Ercum Pegasidum *recolat* totus Chorus amplè
Nomen Alumni olim mille trophœa canens
Metropolis Regni, Sedes Regisq; Poloni,
Urbs Craci, Nato tota favere velis.
Adsis, tam celebrem præsens Actum magis ornes,
Lauda virtutem, gaudia corde ferens.

Anagramma XXV.

Turribus columna decora, legens horas.

EPIGRAMMA.

Si quondam fuerat dignatus honoribus Atlas,
Quòd nubes humeris gesserit, atq; Polos.
Turribus ecce Tuis erit ille *columna decora,*
Horas Saturni, legibus arte *legens*
Hinc ipsi tribui plausus ex asse tenentur,
Votaq; Craciados plurima fundat ager.

Anagramma XXVI.

Urbi, magnus herus, stella, Corona, decor.

EPIGRAMMA.

Non plùs infletur Magnorum Roma Virorum
Nominibus, Craciæ sunt quoq; digna Togæ.
Namq; Tuus Genitor præstò cârissimus, Urbi
Magnus herus, Craci stella, Corona, decor.
Nobilium Gentis Scotorum, Insignibus ortus,
Sidere dum trino, clarus in orbe micat.

Anagramma XXVII.

Charus Doctor, Urbi solamen, re Galenus.

EPIGRAMMA.

Desine Phæbe Tuos fastu jactare Galenos,
Atq; Dioscorides commemorare sinas.
Nam LVKASZKIEVIVS, Doctor Podalirius alter,
Omnibus en charus req; Galenus adest.
Hic Urbi Craciæ Solamen fert, Tibi laudem;
Illius dum ornat laurea trina Caput.

Anagramma XXVIII.

Domus celebris; larga necesse, honoratur.

EPIGRAMMA.

Tota Domus celebris quam sit Tua? sanguinis atq;
Larga nimis nexu? scribere penna nequit.
Namq; LVBIENIECCI, PODCZASCI totq; ligati
Foedere, prætendunt plurima metra tibi.
Ergo sufficiat tantum illis, quod simul à me,
Nomen honoratur, Nobilitate sua.

Anagramma XXIX.

Huc subest, raro illo candore Germanus.

EPIGRAMMA.

Sunt, quos fama refert fraterno semper amore
Iunctos, vt Pollux Castore ritè niter.
Ecce subest cunctis raro huc candore videndus,
PETRVS Germanus, Saxia vota colens.
Vllus in orbe fuit nunquam Tibi Carior Illo,
Nobile par fratrum, Nobiliorq; favor

Anagramma XXX.

Ergo mille reduc charos artubus annos.

EPIGRAMMA.

Ergo mille reduc charos precor artubus Annos,
Vt Pylios vivas, & sine nube dies.
Sis Laribus splendor Patrijs, ac laus Academi,
Gloria Majorum, Nobilis atq; Domus.
Insuper acceptum, gratumq; Corymbion à me
Sit Tibi cui semper Candidus Arcas ero.



SUB FELICISSIMO REGIMINE,
Magnifici, Perillustri, & Reverendissimi Domini,

D. M. SEBASTIANI
PISKORSKI,

V. I. Doctoris & Professoris, Ecclesiarum, Cathedralis Cracoviensis,
& Collegiæ Vielunensis CANONICI, SS. Omnium ARCHIDIACONI,
Scholarum Novodvorscianarum Provisoris,
Studij Almae Universitatis Cracoviensis, PROCANCELLARIJ,
& GENERALIS ac VIGILANTISSIMI
RECTORIS.

Biblioteka Jagiellońska



stdr0024886

